



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აშული

აშული [

აშულობა ჩაისახა XV–XVI სს. თურქეთსა და აზერბაიჯანში, გავრცელდა კავკასიაში (აზერბაიჯანი, დაღესტანი), ქრისტ. რეგიონშიც (საქართველო, სომხეთი). საქართველოში ძირითადად თბილისში გავრცელდა. XVIII ს. თბილისელ ა-თა შორის არ იყო შენარჩუნებული ტიპური კლასიკური სახის აშულური მუსიკა და შესრულების ხელოვნება, რაც გამოიხატებოდა რეპერტუარში და სხვადასხვა მუს. საკრავების გამოყენებაშიც (აშულის მუს. ინსტრუმენტი მხოლოდ საზი იყო). თბილისელი ა-ების ქიჩიქოვას, სეირანის, ბუდალოღლანის, შამჩი მელქოს თუ სხვათა რეპერტუარში აღარ ჩანს აშულური ხელოვნებისათვის ნიშანდობლივი აღმოსავლური დასთანის თხრობის და საერთოდ იმპროვიზაციის კულტურა. ფაქტობრივად იგი აღმ. ქვეყნების პოეტურ-მუს. ხელოვნებისა და ადგილ. კულტურის კონგლომერატს წარმოადგენდა.

აშულობის ტრადიცია დღემდეა შემორჩენილი აჭარაში, აგრეთვე ახალქალაქის, მარნეულისა და ასპინძის რაიონებში. აჭარაში სახ. მთქმელებს ა-ებს ეძახდნენ. ზემო აჭარაში ცნობილი ა-ები იყვნენ ქიბირ კახიძე, რეჯებ მჭავანაძე და სხვ. ისინი ლექსებს თვითონ თხზავდნენ და ასრულებდნენ კიდეც. ზოგიერთი დღესაც პოპულარულია.

გ. შაყულაშვილი
